


Sanaartornermi aningaasartuutit ukiup affaani kingullermi 0,8 procentimik annertuseriarput

Sanaartornermi aningaasartuutit annertusiartortut

1. januar 2012-miit 1. juli 2012-mut sanaartornermi aningaasartuutitut naleqqersuut 0,8 procentimik annertuseriarpoq. 2011-mi ukiup affaani aningaasartuutitut assersuukkaanni, tassani annertuseriaat 2,0 procentiuvoq.

Ukiup affaani sanaartornermi aningaasartuutitut naleqqersuutit procentinngorlugu allanngorarnera



Tabelimi takuneqarsinnaavoq naleqqersuutit aningaasartuutitut assigiinngitsunut immikkoortinnera.

Sanaartornermi aningaasartuutit naleqqersuuta. Januaari 2006-100

	Jul. 2008	Jan. 2009	Jul. 2009	Jan. 2010	Jul. 2010	Jan. 2011	Jul. 2011	Jan. 2012	Jul. 2012
Tamakkerluni	112,5	115,4	115,5	116,3	117,4	118,0	120,4	121,2	122,2
Atortussat	118,9	122,8	122,0	121,5	121,9	123,4	125,5	126,2	126,2
Assartuinnermi aki	104,1	110,6	109,6	106,7	111,6	109,6	124,4	120,4	125,4
Akissarsiat	108,2	109,8	110,8	113,1	114,4	114,6	115,7	117,2	118,4

Assartuinnermi akit naleqqersuutaasa takutippaat, soorlu tabelimi tamanna takuneqarsinnaasoq, naleqqersuut 1. januarimiit 1. juli 2012-mut 4,2 pct.-mik annertuseriarsimasoq. Tamanna peqquteqarpoq uuliap aningaasallu nalingisa naleqqussarnerannik.

Paasissutissat allat

Sanaartornermi aningaasartuutip naleqqersuutaa ataatsimut suliaq pdf-filinngorlugu Naatsorsueqqissaartarfiup nittartagaa www.stat.gl atorlugu ammarneqarsinnaavoq. Paasissutissanik allanik apeqquteqartoqassaguni Naatsorsueqqissaartarfiup pisortaa Anders Blaabjerg oqarasuaatikkut toqqaannartukku 36 23 72-kut saaffigineqarsinnaavoq imaluunniit e-mail abla@stat.gl aqutigalugu.